



UNIVERSITÄTS-
BIBLIOTHEK
PADERBORN

Waerchtighe Historie Van de Martelaers Van Gorcom

Estius, Wilhelm

Antwerpen, 1604

Capittel I. Van een miraculeus visioen vande Martelaers aen eenen borher
van Gorcom ghetoot.

[urn:nbn:de:hbz:466:1-64552](https://nbn-resolving.org/urn:nbn:de:hbz:466:1-64552)

Der waerachtigher
HISTORIEN

Van de
 MARTELAERS VAN GORCOM
 Het vierde boeck.

CAPITTEL I.

Van een miraculeus visioen vande Martelaers aen
 eenen borgher van Gorcom ghetoot.

1. Reg. 2

Ioan. 12

Godt al-maghtigh die deur den prophete
 ghelproken heeft: Soo wie my eere be-
 wijst dien sal ick glorzificeren / en weder-
 om deur synen sone: Soo wie my dient/
 dien sal myn vader eeren: en gheeft niet alleen de
 troone des eeuwighen leuens aende ghene die deur
 synen naem de tydelijcke doodt hebben gheleden/
 maer oock in dese werelddt geweerddicht hy dickwils
 sy-seluen te vertoonen ende te wesen een Martelaer
 (dat is een ghetuyghe) van sijne Martelaeren / als
 hy met eenighe Goddelijcke ghetuyghenissen hen-
 lieder heylighepdt ende glorie gheloofelijck maec-
 kende byden menschen / hen al-soo vereert / dat de
 werelddt die hen plagh te versmadé ter wijlen sy leef-
 den / de selue nu ouer-leden zijnde begint in ceren te
 houden / om dat sy hen vertiert siet met miraculen
 als ghetuyghenissen vanden hemel ghegheuen.
 Waer in hoe vele dat onse Martelaren ghegunt is
 van Gode / den welcken de heylighe Kercke predikt
 wonderlijck te wesen in sijne heylighen / wille ick
 met

met korte woorden verhaelen: nochtans en sal ick niet voozdt-haelē alle t'ghene dat van dier sorten is gheschiedt. (Want ick verstaē dat de plaetse vande begrauenisse der Martelaerē totten dagh van heden toe in't midden vande vanden wordt vande Catholijcke mans ende vrouwen Godt-vruchtelijck besocht/datter oock vele deur hunne verdiensten van Gode verfoecken ende vercrijghen verscheydene beneficien van ghesondt-maekinghe.) maer sal alleenelijck vertellen de punten daer ick sonderlinghe en sekere kennisse af-ghecreghen hebbe. Ende veurwaer dit dunckt my dat het aller-eerste behoort gestelt te wesen / daer Godt sijne Martelaeren mede heeft willen vereeren in de selue ure / als sy deur der beulen handen aenden hals ghestroopt wesende noch nauwelijcks van deser werelbt verscheyden en waren. Een man te Gorcom seer uyt-nemende oprecht van leuen ende van ghelooue. Marthijs van Thore (welcken toe-naem sy ontfanghen hadde vande plaetse sijner geboortē/wesende een Vrijheydt-inde Kempen) was ghewoon allen nachte uyt den bedde op-staende Gode te bidden veur de wel vaert vander stadt. Desen omtrent vier uren naer d'midden van dien nacht / als de Martelaers ghedoodt zijn / wesende in sijn ghewoonelijcke deuotie ende ghebeden / heeft hen allen te samen ghelien in een vilsien met witte cleederen bekleedt / ende op hunne hoofden hebbende goude croonen / met een wonderlijck schijnfel / ende hun hayr opde schouderen hanghende als in vlechtē in goeden schicke / sehene hunne aen-siechten eerlijcken te verrieren / ende hen een groote degelijckheydt ende maesteyt mede te brenghen: deur welke ghesteltenisse ghy moghet verstaen dat te kennen ghegheuen wordt / oft dat sy waren waerachtighe Nazareen deur hunne doot

den Heere versch op-ghedraghen / oft dat hunne sie-
 len waren als bruyts / die den eeuwichen Bruyde-
 gom tot het onsterfelijk leuen en hemelsche bruyd-
 loft te ghemoet trocken . Dat dit visioen niet ver-
 siert en is / d'welck yemandt ander-sins soude mo-
 ghen vermoeden / blijkt ghenoech uyt dese redene.
 Want al-soo haest alst dagh gheworden was / dese
 man comende tot sijne Catholycke mede-borghers /
 die met aller begeerten verlangden naer de verlos-
 singhe der ghevanghenen / ende de selue veur-seker
 verhoften midts de vrieuen vanden Prince van
 Orangien bouen gheroert / heeft hen met dul-da-
 nighe woorden toe-ghesproken : Borghers / ghy
 en derft niet hopen dat sy meer herwaerts sullen co-
 men. Want nu hebben sy hun martyrie vol-braght.
 Nu hebben sy ontfanghen de croone der martyrie.
 En om niet te twyfelen / ick selue / gheloouet my /
 hebbe hen allen gecroont ghesien. Al-soo dat-men
 te Gorcom al wieste ende ghelooft dat sy ter doot
 ghebraght waren / eer yemandt vanden Biele
 weder-om comende soude hebben connen de tijdin-
 ghe ghebrenghen. Oock mede dat ter seluer uren
 de Martelaers hunnen strijdt gheepndt hebben als
 dit visioen den veur-seyden goeden man vertoont is
 gheweest / hebben naer-der-handt getuyght die als-
 doen ten Biele waren / ende de saecke ouer al ver-
 brydt wesende / heeft het ghenoech te kennen ghe-
 gheuen . Want hoe wel sommighe vande Martes-
 laeren langher hebben bliuen leuende hanghen / al-
 tijdt de executie vande soldaten aen-ghericht / is ghe-
 epndt ter seluer uren die wy geseght hebben. En deur
 de vertooninghe de Heeren hebben wel connen ver-
 schijnen als gecroont metten heelen hoop der Mar-
 telaeren / die al-noch niet gestoruen / stracks moesten
 ontfanghen de croone der onsterfelijkhepdt.